

# Mataupu sapaalai: Paracetamol fa'asuavaia

(Ta'u 'pa-ra-Sī-ta-mol')



O le paracetamol fa'asuavaia e masani ona fa'aaogāina mo le fiva ma mea tīgā, aemaise lava i tamaiti. Mai le aso 1 o Setema 2022, o le sapaalai fa'atupeina o le paracetamol fa'asuavaia (Paracare), o le 'a amata ai ona fa'alavelaveina. Ina ia fa'amautinoa le fa'aauauina o le mauaina ai o le Paracare, o le 'a suitulaga nei i le isi paracetamol fou e tā'ua o le Avallon paracetamol.

## E fa'aapefea ona ese mai le Avallon paracetamol?

### 120 mg i le 5mL (inumaga vaivai)

E ese le lanu ma le tofo. O le Avallon e tau pa'epa'e le lanu ma e strawberry/vanilla lona tofo.

### 240 mg i le 5mL (inumaga malosi)

- O le inumaga e 240 mg i le 5mL e ese mai le Paracare Double Strength (Paracare e Fa'aluaina le Malosi), e iai le 250 mg i le 5mL. O lona uiga o lea tulaga o le tele o le inumaga e te tuuina i lau tama e ono suia. Taga'i ane i le fua o loo i le itulau e sosoo ai.
- O lenei malosi e tau pa'epa'e le lanu ma e strawberry/vanilla lona tofo.



O malosiaga e lua o le Avallon paracetamol e tutusa lanu ma le tofo. Ia faitau lava fa'amatalaga ma tu'uina i lau tama le inumaga sa'o. **'AUA e te fa'alagolago i le lanu, manogi, poo le tofo.** Fesili i lau Foma'i fa'ale'āiga, tausisoifua poo le foma'i talavai pe afai e te lē o mautinoa i le inumaga e fai.



## Fa'amatalaga

O mea o loo fai ai e pei o le mea tofo (flavourings), lanu ma le suka e ono ese. Afai e iai ni au fesili e uiga i nei tulaga, talanoa i lau Foma'i fa'ale'āiga, tausisoifua poo le foma'i talavai.



## Avallon 240 mg i le 5 mL e le'i fa'amaoniaina e Medsafe

E ui lava ua fa'amaoniaina i Ausetalia, o le Avallon 240 mg i le 5mL e le'i tu'uina i tulaga fa'amaonia a le Medsafe a Niu Sila. E lē fa'apea la o lea vaila'au e lē saogalemu.

## O le ā se tele o le paracetamol e tataua ona ou tu'uina i la'u tama?

- O le inumaga o le paracetamol e fuafua lava i le mamafa o lau tama.
- Fua le mamafa o lau tama MA siaki le malosi o le paracetamol o loo ia te oe.
- Fa'aaogā le fua o inumaga o loo tā'ua ifo i lalo e saili ai le inumaga sa'o.

## A'ō le'i fa'ainuina le paracetamol a lau tama:

- Siaki poo manaomia lava e lau tama.
- Fa'atali mo le ta'i 4 itula o inumaga ta'itasi.
- 'AUA ne'i sili atu ma le 4 inumaga e fai i totonu o le 24 itula.
- Siaki le aso e fa'alēaogāina ai.

**!** E taua lava ona 'aua ne'i sili atu inumaga a lau tama mai inumaga fa'atulagaina i aso ta'itasi. Afai ua soona inu tele e lau tama – inu uma i le taimi e tasi poo ua sosoo aso – e ono fa'aleagaina e le paracetamol lona ate.

## Fua o le inumaga o le paracetamol

Mamafa o le tamaitiiti	120 mg i le 5 mL	250 mg i le 5 mL	240 mg i le 5 mL (malosi fou)
Lalo ifo o le 5 kg	Fesili i lau foma'i poo le foma'i talavai	Fesili i lau foma'i poo le foma'i talavai	Fesili i lau foma'i poo le foma'i talavai
5 kg	3 mL	1.5 mL	1.5 mL
6 i le 7 kg	3.5 mL	1.5 mL	1.5 mL
8 i le 9 kg	5 mL	2 mL	2.5 mL
10 i le 12 kg	6 mL	3 mL	3 mL
13 i le 14 kg	8 mL	4 mL	4 mL
15 i le 16 kg	9.5 mL	4.5 mL	4.5 mL
17 i le 18 kg	10.5 mL	5 mL	5 mL
19 i le 20 kg	12 mL	5.5 mL	6 mL
21 i le 22 kg	13 mL	6.5 mL	6.5 mL
23 i le 25 kg	14.5 mL	7 mL	7 mL
26 i le 28 kg	16.5 mL	8 mL	8 mL
29 i le 32 kg	18 mL	8.5 mL	9 mL
33 i le 36 kg	20.5 mL	10 mL	10 mL
37 i le 41 kg	23 mL	11 mL	11.5 mL
42 i le 60 kg	26 mL	12.5 mL	13 mL
Sili atu ma le 60 kg	30 i le 40 mL	15 i le 20 mL	15 i le 20 mL